

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

Zaključak

**po Prijavi koncentracije privrednog subjekta ASA INVEST d.o.o. Sarajevo
i privrednog subjekta PZU EUROFARM-CENTAR POLIKLINIKA Sarajevo**

**Sarajevo,
novembar 2015. godine**



Broj: 01-26-1-034-8-II/15
Sarajevo: 24.11.2015. godine

Na osnovu člana 25. stav (1) tačka e) i člana 42. stav (2), u vezi sa članom 14. Zakona o konkurenciji ("Službeni glasnik BiH", br. 48/05, 76/07 i 80/09), rješavajući po Prijavi koncentracije privrednog subjekta ASA INVEST d.o.o. Sarajevo, Bulevar Meše Selimovića br.16, Novi Grad Sarajevo, 71000 Sarajevo, zaprimljenoj dana 01.10.2015. godine pod brojem: 01-26-1-034-II/15, Konkurencijsko vijeće Bosne i Hercegovine, na 112. (stodvanestoj) sjednici održanoj dana 24.11.2015. godine, donijelo je

Z A K L J U Č A K

- 1) Odbacuje se Prijava koncentracije podnesena od privrednog subjekta ASA INVEST d.o.o. Sarajevo, Bulevar Meše Selimovića br.16, Novi Grad Sarajevo, 71000 Sarajevo, radi nepostojanja obaveze prijave koncentracije u smislu člana 14. stav (1) Zakona o konkurenciji.
- 2) Ovaj Zaključak bit će objavljen u "Službenom glasniku BiH", službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je dana 01.10.2015. godine pod brojem: 01-26-1-034-II/15, zaprimilo Prijavu koncentracije (u daljem tekstu: Prijava), privrednog subjekta ASA INVEST d.o.o. Sarajevo, Bulevar Meše Selimovića br.16, Novi Grad Sarajevo, 71000 Sarajevo, Bosna i Hercegovina (u daljem tekstu: ASA INVEST), ujedno i podnosioca Prijave koga zastupa advokat Amar Bajramović, ul. Augusta Brauna br.1, 71000 Sarajevo i privrednog subjekta PZU EUROFARM-CENTAR POLIKLINIKA Sarajevo, ul. Butmirska cesta br.14, Ilidža, 71000 Sarajevo, Bosna i Hercegovina (u daljem tekstu: EUROFARM-CENTAR POLIKLINIKA).

Prijava se podnosi sa namjerom sticanja većinskog udjela Podnosioca prijave u privrednom subjektu EUROFARM-CENTAR POLIKLINIKA.

Konkurencijsko vijeće je dana 06.10.2015. godine pod brojem: 01-26-1-034-1-II/15 zaprimilo samoinicijativnu dopunu Prijave, kojom je dostavljena potvrda o uplati administrativne takse.

Postupajući po Prijavi, Konkurencijski savjet je utvrdio da ista nije potpuna i da se treba dopuniti u skladu sa članom 30. Zakona o konkurenciji ("Službeni glasnik BiH", br. 48/05, 76/07 i 80/09) (u daljem tekstu: Zakon), što je Podnosilac prijave učinio podnescima zaprimljenim dana 20.10.2015. godine pod brojem: 01-26-1-034-3-II/15 i dana 21.10.2015. godine pod brojem: 01-26-1-034-5-II/15.

Nakon što je Podnosilac prijave dostavio svu traženu dokumentaciju, Konkurencijsko vijeće je u skladu sa članom 30. stav (3) Zakona, dana 17.11.2015. godine pod brojem: 01-26-1-034-6-II/15, izdao Potvrdu o prijemu kompletne i uredne Prijave.

Prema navodima Podnosioca prijave, isti nema namjeru podnositi zahtjev za ocjenu koncentracije ovlaštenim tijelima izvan teritorije Bosne i Hercegovine.

Konkurencijski savjet je u postupku ocjene Prijave utvrdio slijedeće činjenice:

Prijava je podnesena u propisanom roku, u smislu člana 16. stav (1) Zakona.

1. Učesnici koncentracije

Učesnici koncentracije su privredni subjekt ASA INVEST i privredni subjekt EUROFARM-CENTAR POLIKLINIKA.

1.1. ASA INVEST (Podnosilac prijave)

Privredni subjekt ASA INVEST, punim nazivom Društvo za finansijski i investicioni konsalting ASA INVEST d.o.o. Sarajevo, sa sjedištem na adresi Bulevar Meše Selimovića br.16, Novi Grad Sarajevo, 71000 Sarajevo, Bosna i Hercegovina, prema izvodu iz registra Općinskog suda u Sarajevu broj: 065-0-RegZ-15-006099 I od 22.09.2015. godine, registrovan je pod matičnim brojem: (..) ** i JIB brojem: (..) **, kao društvo sa ograničenom odgovornošću.

Osnovna djelatnost privrednog subjekta ASA INVEST je savjetovanje u vezi sa poslovanjem i ostalim upravljanjem.

Privredni subjekt ASA INVEST je dio grupacije ASA GRUP koja ima osam članica i koji predstavlja jedinstveni poslovni sistem koji svojim kupcima nudi finansijske usluge iz oblasti bankarstva, operativnog i finansijskog lizinga, osiguranja pokretne i nepokretne imovine, špedicije i automobilske industrije, kao i posredovanja u trgovanju dionicama, (..) **.

Vlasnička struktura privrednog subjekta ASA INVEST je slijedeća:

1. (..) **,
2. (..) **,
3. (..) **.

Povezana društva registrovana na području Bosne i Hercegovine u kojim privredni subjekt ASA INVEST ima 10% ili više udjela u osnovnom kapitalu, a koja zajedno sa njim čine grupaciju ASA GRUP su:

Tabela br.1

Red. br.	Naziv povezanog društva	Vlasnički udio ASA INVEST
1.	(..) **	(..) **
2.	(..) **	(..) **
3.	(..) **	(..) **
4.	(..) **	(..) **
5.	(..) **	(..) **
6.	(..) **	(..) **
7.	(..) **	(..) **

Izvor: podaci iz Prijave

1.2. EUROFARM-CENTAR POLIKLINIKA (Ciljno društvo)

Privredni subjekt EUROFARM-CENTAR POLIKLINIKA, punim nazivom Privatna zdravstvena ustanova EUROFARM-CENTAR POLIKLINIKA Sarajevo, sa sjedištem na adresi ul. Butmirska cesta br.14, Ilidža, 71000 Sarajevo, Bosna i Hercegovina, prema izvodu iz registra Općinskog suda u Sarajevu broj: 065-0-RegZ-15-005067 od 10.08.2015. godine, registrovan je pod matičnim brojem: 2-30.

Osnovna djelatnost privrednog subjekta EUROFARM-CENTAR POLIKLINIKA je djelatnost specijalističke medicinske prakse.

Privredni subjekt EUROFARM-CENTAR POLIKLINIKA posluje samo na teritoriji Kantona Sarajevo i nema povezanih društava u kojima ima 10% ili više udjela u osnovnom kapitalu.

Vlasnik privrednog subjekta EUROFARM-CENTAR POLIKLINIKA sa 100% udjela u osnovnom kapitalu je privredni subjekt EUROFARM CENTAR d.o.o Sarajevo, ul. Butmirska cesta br.14, Ilidža, 71000 Sarajevo, Bosna i Hercegovina (u daljem tekstu: EUROFARM CENTAR).

Privredni subjekt EUROFARM CENTAR djeluje kao holding koji posluje samo na teritoriji Bosne i Hercegovine i koji u svom vlasništvu ima i drugi privredni subjekt EUROFARM CENTAR-PZU APOTEKE Sarajevo, koji se isključivo bavi prodajom i distribucijom lijekova.

Privredni subjekt EUROFARM CENTAR, zajedno sa svojim zavisnim društvima EUROFARM-CENTAR POLIKLINIKA i EUROFARM CENTAR-PZU APOTEKE, čini EUROFARM CENTAR Grupu.

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta ("Službeni glasnik BiH", br. 18/06 i 34/10) i Odluke o načinu podnošenja prijave i kriterijumima za ocjenu koncentracija privrednih subjekata ("Službeni glasnik BiH", br. 34/10).

3. Pravni osnov i oblik koncentracije

Pravni osnov koncentracije je Ugovor o kupoprodaji udjela zaključen dana 21.09.2015. godine između privrednog subjekta EUROFARM-CENTAR POLIKLINIKA kao prodavca i privrednog subjekta ASA INVEST kao kupca.

Nakon provođenja koncentracije privredni subjekt ASA INVEST imaće (..)** udjela u osnovnom kapitalu privrednog subjekta EUROFARM-CENTAR POLIKLINIKA, dok će (..)** u vlasništvu privrednog subjekta EUROFARM CENTAR.

U skladu sa članom 12. stav (1) tačka b) pod 1. Zakona, pravni oblik koncentracije predstavlja sticanje kontrole privrednog subjekta ASA INVEST nad privrednim subjektom EUROFARM-CENTAR POLIKLINIKA, sticanjem većine udjela u osnovnom kapitalu.

4. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu naročito njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuju od uslova tržišne konkurencije na susjednim geografskim tržištima.

Uzimajući u obzir djelatnosti koje obavljaju učesnici u koncentraciji, a posebno ciljno društvo, Konkurencijsko vijeće je kao relevantno tržište proizvoda u konkretnom slučaju odredilo tržište specijalističke medicinske prakse.

Uzimajući u obzir teritoriju na kojoj posluju učesnici u koncentraciji, a posebno ciljno društvo, Konkurencijsko vijeće je kao relevantno tržište u geografskom smislu odredilo tržište Kantona Sarajevo.

Slijedom navedenog, pod relevantnim tržištem predmetne koncentracije smatra se tržište specijalističke medicinske prakse u Kantonu Sarajevo.

4.1. Analiza relevantnog tržišta koncentracije

Procjena udjela učesnika u koncentraciji i glavnih konkurenata na relevantnom tržištu specijalističke medicinske prakse u Kantonu Sarajevo, prikazana je u Tabeli br.2, kako slijedi.

Tabela br.2

Red. br.	Naziv privrednog subjekta	Procjena tržišnog učešća (%)
1.	(..)**	(..)**
2.	(..)**	(..)**
3.	(..)**	(..)**
4.	(..)**	(..)**
5.	(..)**	(..)**
6.	(..)**	(..)**
7.	(..)**	(..)**
8.	(..)**	(..)**
9.	(..)**	(..)**
10.	(..)**	(..)**
11.	(..)**	(..)**

12.	(..)**	(..)**
13.	(..)**	(..)**
14.	(..)**	(..)**
15.	(..)**	(..)**
16.	(..)**	-
17.	(..)**	(..)**
	Ukupno	100%

Izvor: podaci iz Prijave

Procjene tržišnih udjela date su od strane Podnosioca prijave u skladu sa dostupnim podacima koji se odnose na ostvarene prihode svih učesnika na relevantnom tržištu, a koji su dostupni preko LRC-a i koji su sačinjeni na osnovu zvanično podnesenih finansijskih izvještaja u Kantonu Sarajevo u 2014. godini.

Iz podataka navedenih u Tabeli br.2 vidljivo je da privredni subjekt ASA INVEST nije prisutan na relevantnom tržištu, a da je tržišni udio privrednog subjekta EUROFARM-CENTAR POLIKLINIKA od (..)** neznatan, te da će stanje na relevantnom tržištu poslije koncentracije ostati nepromjenjeno.

5. Obaveza prijave koncentracije

Obaveza prijave koncentracije privrednih subjekata sa sjedištem u Bosni i Hercegovini, u smislu člana 14. stav (1) pod b) Zakona, u vezi sa članom 2. Odluke o načinu podnošenja prijave i kriterijima za ocjenu koncentracije privrednih subjekata, postoji ako ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,00%.

Ukupni prihodi učesnika koncentracije, kao i ukupni prihodi grupe povezanih društva učesnika koncentracije u 2014. godini, prikazani su u Tabeli br.3 kako slijedi.

Tabela br.3

Ukupan prihod učesnika u koncentraciji ostvaren u 2014. godini (KM)				
Privredni subjekt	ASA INVEST	ASA GRUP	EUROFARM-CENTAR POLIKLINIKA	EUROFARM CENTAR Grupa
Svijet	(..)**	(..)**	(..)**	(..)**
BiH	(..)**	(..)**	(..)**	(..)**

Izvor: podaci iz Prijave

Godišnji prihodi učesnika koncentracije predstavljaju ukupne prihode (bez poreza na dodatnu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijumima za ocjenu koncentracija privrednih subjekata.

Članom 14. stav (3) Zakona je utvrđeno da u slučaju da se koncentracija odnosi na spajanje ili pripajanje dijela ili dijelova jednog ili više privrednih subjekata, bez obzira da li ti dijelovi imaju status pravnog lica, pri izračunavanju prihoda, obračunavaće se samo prihod onih dijelova privrednog subjekta koji su predmet kontrole koncentracije.

Prema podacima navedenim u Tabelama br.2 i br.3 učesnici koncentracije nisu ispunili uslove za obaveznu prijavu koncentracije, s obzirom da ne ispunjavaju uslov koji se odnosi na visinu ukupnog godišnjeg prihoda ostvarenog na tržištu Bosne i Hercegovine u godini koja je prethodila koncentraciji, kao ni uslov da je njihov zajednički tržišni udio na relevantnom tržištu veći od 40,0%, u smislu člana 14. stav (1) tačka b) Zakona.

Na osnovu navedenog, privredni subjekt ASA INVEST nije bio u obavezi podnijeti prijavu koncentracije, te je Konkurencijsko vijeće odlučilo kao u dispozitivu ovog Zaključka.

6. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", br. 30/06 i 18/11) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednica

Mr. Arijana Regoda-Dražić